

金匱要略今釋 卷三

王新華



金匱要略方論今釋卷三

川沙 陸彭年淵雷 撰述

受業妻嘉定沈本琰 參校

●肺痿肺癰欬嗽上氣病脈證治第七

論三首 脈證四條 方十五首

此篇所論皆呼吸器病。脈經與痰飲欬嗽合為一篇。方十五首。併數炙甘草湯則

十六首。肺痿據蘇遊許仁則之論。乃即今之肺結核。肺癰乃咳括惡臭性或稱腐敗性枝

氣管炎。枝氣管擴張。肺壞疽。肺膿瘍諸病。欬嗽上氣。則呼吸器病之通常證候。所

咳尤廣矣。聞之太炎先生云。漢魏人喜服石。多用鍾乳。鍾乳為碳酸鈣之結晶。其

慄悍之性。往往令疽發於背。然特能抵抗結核菌。故漢魏人病發背者多。病肺結

核者少。淵雷謹案。本篇麥門冬湯。可用於肺痿而不稱肺痿。治肺痿者。惟甘草乾

薑湯一方。及新附四方。今驗之肺結核證。皆不對。豈仲景不常見此病。故不究其



治法歟。所見肺結核之證候。多有宜柴胡湯。竹葉石膏湯者。其他如大黃燄蟲丸。瀉心湯。乾薑黃連黃芩人參湯。三物黃芩湯等。亦往往適用。若用後世方。則莫如丹溪葛可久十藥神書亦佳。

問曰。熱在上焦者。因欬爲肺痿。肺痿之病。從何得之。師曰。或從汗出。或從嘔吐。或從消渴。小便利數。或從便難。又被快藥下利。重亡津液。故得之。曰。寸口脈數。其人欬。口中反有濁唾涎沫者。何。師曰。爲肺痿之病。若口中辟燥。欬卽胸中隱隱痛。脈反滑數。此爲肺癰。欬唾膿血。脈數虛者。爲肺痿。數實者。爲肺癰。

尤氏云。此設爲問答。以辨肺痿肺癰之異。熱在上焦二句。見五藏風寒積聚篇。蓋師有是語。而用之以爲問也。汗出。嘔吐。消渴。二便下多。皆足以亡津液而生燥熱。肺虛且熱。則爲痿矣。口中反有濁唾涎沫者。肺中津液。爲熱所迫而上行也。口中辟辟燥者。魏氏以爲肺癰之痰涎膿血。俱蘊蓄結聚於肺臟之內。故口中反乾燥。



而但辟辟作空響燥欬而已。然按下肺癰條亦云。其人欬咽燥不渴。多唾濁沫。則肺痿肺癰。三證多同。惟胸中痛。脈滑數。唾膿血。則肺癰所獨也。比而論之。痿者萎也。案巢源作肺萎如草木之萎而不榮。爲津燥而肺焦也。癰者壅也。如土之壅而不通。爲熱聚而肺癰也。故其脈有虛實不同。而其數則一也。

丹波氏云。肺痿非此別一病。卽是後世所謂勞嗽耳。外臺蘇遊傳屍論云。其初得半臥半起。號爲殮。氣急欬者。名曰肺痿。許仁則論云。肺氣嗽者。不限老少。宿多上熱。後因飲食將息傷熱。則常嗽不斷。積年累歲。肺氣衰。便成氣嗽。此嗽不早療。遂成肺痿。若此將成。多不救矣。又云。肺氣嗽。經久將成肺痿。其狀不限四時。冷熱晝夜嗽常不斷。唾白如雪。細沫稠粘。喘息氣上。乍寒乍熱。發作有時。脣口喉舌乾焦。亦有時唾血者。漸覺瘦悴。小便赤。顏色青白。毛聳。此亦成蒸。又云。肺氣嗽。經久有成肺癰者。其狀與前肺痿不多異。但唾悉成膿。出。陳氏婦人良方劫勞散證治云。勞嗽寒熱盜汗。唾中有紅線。名曰肺痿。註家俱爲別病而詮釋之者。何快與。馱



同梁書姚僧垣曰大黃快藥是也魏云辟辟唾聲恐非蓋辟辟乾燥貌張氏醫通云言欬者口中不乾燥也若欬而口中辟辟燥則是肺已結癰火熱之毒出見於口此說近是

元堅云口中反有濁唾涎沫蓋係于該言稠痰白沫者本經所謂痰者非今之所謂痰次條曰多唾濁沫皂莢丸條曰時時唾濁桔梗湯條曰時出濁唾五藏風寒篇曰肺中風吐濁涕之類皆今之稠痰也蓋肺萎液燥而口中有唾涎故下反字也

仁存孫氏方曰詳觀肺癰肺痿二證實難治要之肺癰則閒有可愈者亦須肺未

穿故可救但肺痿罕有安者蓋其肺枯竭乾燥何由而得潤所以難愈

金匱述義引

淵雷案肺結核之病由結核桿菌竄入肺組織而起菌之所至先起炎症上皮細胞繁殖堆積成一硬固小結節故曰結核其始小如粟粒而半透明繼則漸大變為黃色不透明之硬核結節中無血管故不得榮養易於壞死壞死後成黃色乾



酪狀物。謂之乾酪。變性久而軟化。成糜粥狀。與痰唾同排出於外。注家謂肺痿不唾膿誤也於是結節之中部成空洞。空洞之大小。或僅如豌豆。或過於胡桃。空洞內壁又分泌多量膿液。適爲結核菌之良好培養基。空洞多者。全肺有如蜂房。此肺結核之解剖狀況也。古人名爲肺痿者。蓋知其病源在肺。而病人羸瘦憔悴故也。蘇遊許仁則之論。但言病之經過及證候。猶爲覈實。後人鑿說痿字。以爲肺葉萎而不榮。則望文生義矣。又古人不知結核菌。而以亡津液爲肺痿之病源。雖似膚廓。其實切當。何以言之。西醫之治肺結核。絕無良藥。惟務美食將息。知榮養佳良者。能抵抗結核菌。已亡津液。卽亡失榮養之謂。西醫之美食榮養。乃補救於既病之後。仲景謂重亡津液。則推原於未病之先。其歸一而已矣。夫臨渴而掘井。孰若未雨而綢繆。與其病後美食榮養。孰若平時保全津液。西醫知重預防。不知津液之可貴。未達一閒。歎唾膿血以下。脈經千金別爲一條。此就歎唾膿血一證。辨肺痿肺癰也。舊注以歎唾膿血屬上讀。謂膿血肺癰所獨有。非是。蓋肺痿肺癰外證之異。肺癰則



屬實其欬劇其膿臭其人不堪羸瘦肺痿則屬虛其欬不劇或竟不欬其膿不臭其人羸瘦殊甚如此而已。

問曰病欬逆脈之何以知此爲肺癰當有膿血吐之則死其脈何類師曰寸口脈微而數微則爲風數則爲熱微則汗出數則惡寒風中於衛呼氣不入熱過於榮吸而不出風傷皮毛熱傷血脈風舍於肺其人則欬口乾喘滿咽燥不渴多唾濁沫時時振寒熱之所過血爲之凝滯畜結癰膿吐如米粥始萌可揉膿成則死。

多唾濁沫趙刻本作時唾濁沫今從徐鎔本改此條大意以風與熱爲肺癰之原因蓋惡臭性枝氣管炎枝氣管擴張肺壞疽肺膿瘍等多係續發病其原發病必有欬嗽欬嗽則因外感風寒而起故謂之風肺癰初起有機能亢盛之證故謂之熱耳以呼吸不利欬嗽口乾諸候分屬於風熱未免鑿說欬逆而脈微數亦不足以斷定肺癰案脈經肺痿肺癰篇類此者更有六條皆是叔和家言非仲景舊文



不可從矣。

危氏得效方云。始萌易治。膿成難治。診其脈數而實。已成微而澹。漸愈。面色白。嘔膿而止者。自愈。有膿而嘔食。面色赤。吐膿如糯米粥者。不治。男子以氣爲主。得之十救。二三婦女以血爲主。得之十全。七八歷試屢驗。

李氏入門云。肺癰脈數而虛。口燥咽乾。胸脇隱痛。二便赤澀。欬唾膿血腥臭。置之水中則沈。

潘氏醫燈續焰云。試肺癰法。凡人覺胸中隱隱痛。欬嗽有臭痰。吐在水內。沈者是癰膿。浮者是痰。丹波氏云。案今驗果如其言。又以雙箸驗之。其斷爲兩段者是膿。其粘著不斷者是痰。亦一試法也。

蘭臺軌範云。肺癰之疾。膿成亦有愈者。全在用藥變化。漢時治法或未全耳。

上氣面浮腫。肩息。其脈浮大。不治。又加利尤甚。

丹波氏云。上氣諸家不釋。攷周禮天官疾醫職云。嗽上氣。鄭玄注。上氣逆喘也。此



一節卽是肺脹不治之證。淵雷案。上氣肺脹之證。枝氣管性氣喘急性枝氣管炎。枝氣管肺炎及肺氣腫俱有之。氣喘發作時。雖甚困苦。卻不致命。其發常於夜間。睡後。惟枝氣管炎及肺氣腫。往往發鬱血性水腫而死。蓋因劇欬不已。呼吸困難。肺循環先起鬱血。馴至心室起代償性肥大。瓣膜閉鎖不全。全身靜脈鬱血。遂發水腫。然其致死之故。不死於水腫。乃死於血壓之下降也。肩息者。呼吸困難之故。面浮腫者。鬱血性水腫之故。脈浮大者。心室代償性肥大之故。又加下利。則胃腸亦病。舊說以脾胃爲後天水穀之本。凡慢性病末傳。見脾胃病者。爲死期已近之候。

上氣喘而躁者。屬肺脹。欲作風水。發汗則愈。

喘而躁者。呼吸困難。肺循環鬱血之候。故知欲作風水。風水者。水腫而汗出惡風。詳水氣病篇。謂之肺脹者。枝氣管性氣喘及慢性枝氣管炎發作時。肺部胸廓常高張故也。發汗則愈者。汗劑能通利血循環。且鬱血時之滲出液。從汗腺排出。不



致竟成水腫故也。治風水亦用發汗法沈氏以爲卽下文小青龍之證是也。

丹波氏云肺脹一證諸家未有云後世某證者攷下文云肺脹欬而上氣又云欬而上氣此爲肺脹由此觀之卽後世所謂呬嗽哮喘之屬巢源云痰氣相擊隨嗽動息呼呬有聲謂之呬嗽本事續方云哮喘如拽鋸是也淵雷案呬嗽哮喘之證候卽枝氣管性氣喘枝氣管炎及枝氣管肺炎也。

肺痿吐涎沫而不欬者其人不渴必遺尿小便數所以然者以上虛不能制下故也此爲肺中冷必眩多涎唾甘草乾薑湯以溫之若服湯已渴者屬消渴。

吐涎沫不渴遺尿小便數皆是枝氣管性氣喘之證病在呼吸器而證候見於排泄器故古人謂肺爲水之上源又謂肺主行水素問經脈別論云飲入於胃游溢精氣上輸於脾脾氣散精上歸於肺通調水道下輸膀胱此雖謬於生理然觀察病變藥效良信因此之故呼吸器病見排泄障礙者謂之上虛不能制下謂之肺

中冷矣。傷寒金匱中凡云所以然者，皆辭氣卑弱，理致渺茫。若非叔和附益，亦是後人注文。然擇而用之，君子不以人廢言可也。眩而多涎唾，皆肺胃寒證。故以甘草乾薑湯溫之。此條雖稱肺痿，實非肺結核病。以其不效，故不得為肺脹。以其不唾膿血，故不得為肺癰。但以吐涎沫而謂之肺痿，可見古人於病名殊疏略不足據。若服以下九字，脈經無之。千金第十七卷肺痿門云：服湯已，小溫覆之。若渴者屬消渴法。稻葉元熙云：若服湯已渴者，屬消渴。是假設之詞，與吳茱萸湯條得湯反劇者屬上焦也。傷寒論二百四十九條 同例。

甘草乾薑湯方

甘草四兩

乾薑二兩

右咬咀，以水三升，煮取一升五合，去滓，分溫再服。

此即傷寒論厥逆而煩躁吐逆之方。用法方解互詳傷寒論今釋。

青州醫談云：甘草乾薑湯治毒迫心下而盜汗者，又治胸中痛，左臥則左痛，右臥



則右痛者。皆毒迫心胸所致也。氣上迫喘欬。汗出多之症。有多吐涎沫者。世醫不知此方治汗。此方所以能治汗者。氣逆盛。毒氣自內發於外故也。

類聚方廣義云。老人平日苦小便頻數。吐涎。短氣眩暈。難以起步者。宜此方。

方函口訣云。此方雖簡。其用甚廣。用於傷寒煩躁吐逆。用於肺痿吐涎沫。用於傷胃吐血。若虛證喘息。則用此湯下黑錫丹。凡肺痿寒證。其人肺中冷氣虛不能溫。布津液。津液聚而化爲涎沫。故唾出多。然非若熱證之唾凝而重濁也。又不欬。咽乾遺尿。小便數。有此等證者。與此方奇效。又病人嫌服此方不欬。只多吐涎沫而不睡者。案當是有涎沫而無痰也。用桂枝去芍藥加皂莢湯奇效。又不煩躁。但吐逆難用苦味藥者。用此方弛之。有速效。

欬而上氣喉中水雞聲射干麻黃湯主之。

外臺第十卷。上氣喉中水雞鳴門引小品。水上有如字。巢源云。肺病令人上氣兼胸膈痰滿。氣行壅滯。喘息不調。致咽喉有聲。如水雞之鳴也。丹波氏云。水雞二種。



本草蘇頌云。鼃即今水雞是也。又司馬相如傳。顏注庸渠。一名水雞。即本草所謂鷄也。此云水雞。蓋指鼃而言。取其鳴聲連連不絕耳。

射干麻黃湯方

射干十三枚一法三兩

麻黃四兩

生薑四兩

細辛

紫苑

款冬花各三兩

五味子半升

大棗七枚

半夏大者洗八枚一法半升

右九味以水一斗二升。先煮麻黃兩沸。去上沫。內諸藥。煮取三升。分溫三服。

千金第十八卷欬嗽門。用射干三兩。半夏半升。外臺第十卷上氣喉中水雞鳴門。引小品。用射干十二枚。皆用東流水煮。

丹波氏云。此治肺脹之方。凡本篇諸條肺痿肺癰之外。悉屬肺脹。讀者宜自知耳。類聚方廣義云。治久欬不止。或產後喘欬。頸項生痰癭。累累如貫珠者。去細辛五味子。倍射干。加皂角子。有效。兼用南呂丸。



湯本氏云先師和田啓治急性肺炎先以桔梗白散取吐下後用本方然本方有細辛紫苑款冬花等溫藥故熱發時不可輕用淵雷案急性肺炎之發熱固屬熱證然細辛非薑附之比不在禁例紫苑款冬花又非細辛之比湯本之說太拘泥方函口訣云此方用於後世所謂哮喘水雞聲形容哮喘之呼吸也合射干紫苑款冬之利肺氣麻黃細辛生薑之發散半夏之降逆五味子之收斂大棗之安中成一方之妙用夙勝於西洋合鍊製藥

欬逆上氣時時唾濁但坐不得眠皂莢丸主之

唾趙刻本作吐今從徐本俞本改徐氏云此比水雞聲乃欬而上氣中之逆甚者也尤氏云濁濁痰也時時吐濁者肺中之痰隨上氣而時出也然痰雖出而滿不減則其本有固而不拔之勢不迅而掃之不去也皂莢味辛入肺除痰之力最猛飲以棗膏安其正也

皂莢丸方



皂莢 入兩刮去皮用酥炙

右一味末之蜜丸梧子大以棗膏和湯服三九日二夜一服

魏氏云皂莢驅風理痺正為其有除痰滌垢之能也如今用皂莢澡浴以除垢膩

即此理也蘭臺軌範云稠痰粘肺不能清滌非此不可淵雷案本草別錄云皂莢

療腹脹滿消穀除欬嗽囊結案常是氣管枝囊狀擴張思邈云沙牛白羊酥除胸中客熱益心肺

此方專事滌痰以皂莢有石鹼質故也然蕩滌刺激之力甚大一日用量不得過

梧子大三丸老人虛人更宜審慎

欬而脈浮者厚朴麻黃湯主之

丹波氏云千金厚朴麻黃湯治欬而大逆上氣胸滿喉中不利如水雞聲其脈浮

者方與本篇同案本篇唯云欬而脈浮恐是遺脫千金所載卻是舊文元堅云水

飲上迫脈必帶浮不必拘表證有無此二方證謂本方及下澤漆湯均是上焦蓄飲而以脈浮

沈為別者蓋以勢之劇易及水飲上迫與內結之異耳注家特就邪為分殆非通



論

厚朴麻黃湯方

厚朴 五兩

麻黃 四兩

石膏 如鷄子大

杏仁 半升

半夏 半升

乾薑 二兩

細辛 二兩

小麥 一升

五味子 半升

右九味以水一斗二升先煮小麥熟去滓內諸藥煮取三升溫服一升日三服

元堅云此方證係寒飲迫肺而無風寒外候故於小青龍湯中去桂枝以厚朴降逆為君其佐用杏仁亦猶桂枝加厚朴杏子湯之例況配以石膏其驅飲之力更峻

淺田氏云此方藥味似小青龍加石膏湯而優於降氣之力故用於喘息上氣者有效若治溢飲則宜小青龍加石膏又與射干麻黃湯互用惟此方宜於熱甚而脈浮者異於彼方之無熱又富貴安佚之人過食膏粱腹滿而欬者此方加大黃



上海國醫學院

有效麻黃與大黃伍兩解表裏與千金黑散同意頗有奇趣淵雷案此方即小青龍加石膏湯以厚朴杏仁小麥易桂枝甘草小麥緩和收斂不利逐水方中亦少除痰之藥故知此方治欬逆上氣胸滿而痰不多者射干麻黃湯治欬逆上氣而痰多者小青龍加石膏湯則治欬逆上氣而表熱盛者千金黑散出第五卷少小嬰孺序例中其方乃麻黃大黃杏仁也

脈沈者澤漆湯主之

此條徐沈諸家注本合上爲一條尤氏於脈沈上補欬而二字丹波氏云千金澤漆湯治上氣其脈沈者本篇亦似脫上氣二字尤氏云此不詳見證而但以脈之浮沈爲辨而異其治仲景之意蓋以欬皆肺邪而脈浮者氣多居表故驅之使從外出爲易脈沈者氣多居裏故驅之使從下出爲易亦因勢利導之法也

澤漆湯方

半夏 半升

紫參 五兩一作紫苑

澤漆 三斤以東流水五斗煮取一斗五升

生薑 五兩

